

瑞金縣志卷十三

武進張國英重修



藝文志

宋詩

虔州呂倚承事年八十三讀書作詩不已好收古今帖

貧甚至食不足

舊志載此詩題云呂倚少有聲場屋善屬對喜校書畫踏蹬不偶老以恩

補虔州瑞金簿致仕無以歸因家焉按此本潘子真詩話補遺非詩題也

蘇軾

楊雄老無子馮衍終不遇不識孔方兄但有靈照女家藏古今帖墨色照箱篋饑來據空案一字不堪煮枯腸三千卷磊落相撐拄吟為蜩蛩聲時有鳥可句為語里長者德齒敬已

瑞金縣志

卷十三 宋元詩

古如翁有幾人薄少可時助

瑞金東明觀

浮金最好溪南景古木樓臺畫不成天籟遠兼流水韻雲璈常聽步虛聲青鸞白鶴蟠空下翠草紫芝匝地生咫尺仙都隔塵世門前車馬任縱橫

舊按宋史哲宗紹聖元年甲戌四月壬子蘇軾坐前掌制誥

命語涉譏訕落職知英州六月甲戌來之邵等疏蘇軾詆

斥先朝詔謫惠州又按年譜先生年五十九甲戌閏四月

由定州赴英六月至太平當塗縣奉告責授甯遠軍節度

副使惠州安置過廬陵作秧馬歌八月七日入贛過惶恐

灘作詩十七日過虔州作鬱孤臺祥符宮等詩過大庾嶺
過韶州又按建中靖國元年先生年六十六度嶺北歸二
月以江水涸小住虔州有和舊作鬱孤臺等詩又贈孫志
舉呂倚次韻江海叔等詩三月杪舟發虔州五月至常州
借居顧塘橋孫氏之館則先生赴惠時往返俱未取道瑞
金明甚呂倚一首亦是寓虔州作至東明觀一首東坡全
集未載查初白蘇詩補註錄入補編註從贛州舊志采錄
馮星實蘇詩合註亦仿查本存之不知贛州舊志又何所
據也附記於此以俟博雅君子

元詩

瑞金縣志

卷三

宋元詩

二

遊南塔寺

鄭炯

南陵有一寺岡阜逶迤連林木參天勢薦蘿復交纏疎竹成
籬落頽垣壞道邊荒哉太古色不必問經年浮屠高百尺俯
矚雙流旋萬家叢樹裏井邑生雲煙山川誠風美人物鍾秀
娟登覽快此遊尤勝陟崇巔

明詩

駐節瑞金作

南贛都御史

王守仁

餘姚人

積雨零都道朝來喜暫晴溪流遲渡馬岡樹隱前旌野屋多
移窺窮苗尚阻兵趨迎勤父老無補愧巡行

和前韻

嶺北道

程嗣功 歙人

春來常苦雨喜見浹旬晴陌柳迎征蓋山花映去旌逢人勤
問俗到處說休兵遠憶綏柔者私心切景行

和前韻

嶺北道
范輅
桂陽人

山光搖野色溪水漾新晴路險需舟楫風清引旆旌丹心知
報國白面愧談兵明日漳南道何如稱此行

南贛都御史
陸穩
歸安人

嘉靖癸亥閩廣劇寇三千入犯瑞金兵憲李君佑平遠
令王君化親督戰士盡殲之渠魁溫鑑梁道輝俱投首
時同事之將為坐營張斌把總陳倫賈勇諸葛堯賓徐
尚明指揮王正中董訓其大將則俞君大猷也余與大
參陶君六年則樂觀厥
成者書此以記歲月云

幾下招徠令頑民蠢不共書生親汗馬戎士盡摧鋒息盜蒲

瑞金縣志

卷十三

明詩

三

鞭拙論功大樹慵長城今有託何必問侯封

登樓有感

南樓一望楚雲低萬姓煙籠草樹迷山勢自南常帶雨水流
到郭合成溪時經白馬無人跡歸見青楓有鳥啼幸有將軍
消戰伐村村布穀惠黔黎

阻雨述懷題壁

王公節鉞向東征憶在當年我正生事業已聞為絕唱兵機
今幸有先聲孤城雨久烽烟寂五嶺天高野吹驚見說瘴鄉
非樂土早從黃髮乞歸耕

登銅鉢山

羅洪先
吉水人

層巒草樹隔烟村鷄犬人間寂不聞松籟夜歸天上鶴樵歌
曉散擔頭雲閩山西入都成畫綿水東來盡有文睡起忽懷
陳石路僊踪欲問採芝羣

登陳石山

竹杖芒屨恣浪遊寒風吹急數聲秋松搖碧嶂青虬動瀑瀉
高巖白練流洞口煙霞常自起山間花鳥爲人畱偶題陳石
雲生筆迴覺當年素願酬

舊按贛州府志此二詩作蕭廩

次羅念庵先生陳石山韻

知縣趙勳
番禺人

古壑峻嶒恣遨遊瀟瀟簾瀑洞門秋劍巒風掃寒嵐淨石井

瑞金縣志

卷十三

明詩

四

雲生玉露流幽勝自緣天籟近水光應與地靈畱當年遊跡
人偏杏壁有遺詩紀唱酬

贈劉孝子

春風吹信上融沙光映絲江孝子家愛慕自緣童性現餘歡
垂譽老天華庭前未徹雙萊袖野外先移五子瓜真孝自能
消戾氣膝邊絲服喜無涯

虛堂夜坐

獨見寒潭侵露臺數聲鳴鶴共徘徊靜中老眼冰壺冷不逐
浮生紫陌隈古樹煙消看漸遠小桃風定夢初回瑤琴欲語
知音者更有芳尊對月開

登拱日樓

知縣 蔡宗堯 臨海人

九日年年喜遨遊今年九日眺南樓亭臺映帶山城小簫鼓
聲喧合水流黃菊獨憐陶徑晚紫萸猶佩晉時秋但教此會
人長健尊酒能開旅客愁

過諫議故里

兵部侍郎 蕭廩 萬安人

諫議故居繇水邊雙忠一去幾經年斥奸霜簡朝鳴鳳憤敵
蠅書夜聽鶻山水有祠風肅肅宅園無主草芊芊我來惆悵
斜陽裏幾處猿啼暮雨天

遊竹泉

喬杞

時見碧桃開又見碧桃落鬱鬱洞門松年年青自若風定雲

瑞金縣志

卷十一

明詩

五

歛時仰臥羣峯側白鶴忽飛來界破青天色鶴鳴山谷幽香
細丹房淨天東月色高漸起梧桐影山角幾株松枝損因風
撓梅花冒雪開半露春工巧

蓮花仙庵

鄒元標

佛從西竺來傳經化東土譚禪法雨飛說偈天花布打破生
死關看通往來路茫茫四海人幾箇惺惺悟

南塔寺二首

知縣 王鈇 侯官人

古寺客嘗到茲遊意獨殷春光不寂寞晴景倍氤氳竊咲千
年塔僧棲數畝雲無能空法眼幾欲遁人羣

竹徑亦佳致前溪紀壯遊鐘聲應四野塔影上孤樓對酌煙

霞晚豪吟天地秋興闌促歸轡新月露銀鉤

登南山寺

南郊有遺跡靜院無塵埃寶火浮丹鼎清光入酒杯庭高松韻遠心寂鶴聲哀老衲背迎送雲峯次第開

過桐木嶺

磴道陵飛鳥屏巒倚積煙老猿應解語古木不知年反石穿隱洞懸崖瀉瀑泉征衣行處濕絕頂盡諸天

書懷

馬蹄不踐維京塵章綬南遊六度春蔓劇上林花又發興多今日酒初醕詩書自足資吾拙山水尤能豁性真漸喜東臯

瑞金縣志

卷三

明詩

六

農事早盡消兵甲集昫昫

和長教陳先生

咸甯知縣

鍾

瓘

永豐人

孔思周情寄一瓊春風時雨自年年杜陵慣糴太倉米顏氏非無負郭田仕路半生心似水故鄉何處海連天不應昨夜還家夢已逐元真覓釣船

遊潞翠居

訓導

鄢

郢

新城人

偶步入禪林春光花氣深松濤疑沸鼎竹籟恍鳴琴綠映天桃色紅存木筆心山僧無俗韻有約再追尋

龍珠寺

喬木藏名利到來山色侵花香浮寶座鳥語靜禪心丈室無

今古衣珠費討尋龍歸僧鉢裏潭影夜沉沉

竹泉庵

鄭文昂

地僻塵鞅隔庵借竹泉名石脈鳴絃韻峯腰夏玉聲持將心
比靜轉與境添清兀坐成幽憩能忘久客情

鑿泮池 并序

知縣 呂若愚 浙新昌人

儒學舊有泮池在櫺星門內卑淺而易涸隆慶辛未
冬若愚返自甯都見城中井止二口居民皆取汲于
大江謂父老曰爾邑數稱有警之地脫有不測城門
不啟二井之水其何以給數千人耶父老曰然丙辰
年曾罹此變至飲溝池之水城中大窘幸三日賊解

瑞金縣志

卷三 明詩

七

園無事耳乃謀鑿十數井于通衢而未得鬱鬱彌月
父老楊春憲獻議曰今遷學當鑿泮池若加深一二
丈使源常澄清不竭足當十數井矣平時既為儒學
風水之利遇變又足為意外之防其一舉而兩利乎
若愚曰然遂浚之果得清泉喜而紀之以歌

少小讀書願澤民念茲饑渴費經營開原已盡百年心垂潤
欲疏十井脈或言地利不相宜隱憂不寐每終夕猗歟故老
忽起予謂陳經國有長策櫺星門外泮宮前鑿鑿泮池陡及
泉湧如瀑布灑雲巔青如碧玉出藍田士民爭看樂翩翩我
亦為民喜不眠正說嘉靖丙辰年城門一閉隔深淵點滴有

如甘露然瘡痕待哺吻生煙此日相看何神異一掬明只萬
家利時翻星斗浸波瀾形勝尤光山川媚山川媚時泰運回
文獻應徵問值財萬家利時民無渴長官可免耿恭哀不緣
故老能籌策詎得靈泉透地來我爲斯民慶有福鳴琴一曲
漫開杯願言耕鑿樂堯日天功敢爲已力哉

舊按詩云鑿池得泉呂公諒非欺我者乃今之泮池卽呂
公之所鑿也不特泉脈無有而天雨偶盈且不移時而
涸豈果後來淤塞無復有浚之者與抑靈泉著異特爲
廉吏之瑞若孟嘗之珠崖公之乳與故存此詩以告後
之人苟能踵呂公之轍必有源頭活水之應矣

瑞金縣志

卷十三

明詩

八

舟過茶壺灘

縣江西注茶壺水奔騰直瀉三千里觸石轟轟霹靂驚飛濤
疊浪雪山起上時如度九折盤篙師大叫揩心肝下如高屋
建瓴水倏忽已過幾重灘灘聲迢遞關河長灘勢傾危詎可
嘗王事馳驅非得已象馬空復論瞿塘一篙一篙勤努力前
村風雨日欲夕莫向長途苦怨嗟三十六灘纔第一

憩竹泉庵

知縣 潘舜歷 長樂人

數椽依曲地一逕自逶迤翠影搖孤月清香滴六時茗芽鼻
石罅蓮舌吐沙彌坐愛期頻至塵勞未可期

陸公泉

脈脈流泉石底清
品題原自陸公名
白分玉乳能多少
甘比金山莫重輕
七椀漫嘗分雪韻
一瓢澄冷對松聲
不須任子孟間置
泉自知心月白明

贈楊白石

清標癯鶴髮
皤然貌解還
童陸地仙倒屣
喜迎風入夏
鉤簾忘却日如年
期來偃室因公事
時到雲亭問太元
題贈不須同馬巖
千尋青壁已當前

龍珠寺

靈隱僧 釋戒顯

遙望靈標聳行來
一徑深寺藏羣嶺
曲塔出萬松心螺髻
空天繞龍珠定水
尋紅塵城市擾飛
不到禪林

瑞金縣志

卷三 明詩

九

汗漫遊方外
萍踪野鶴同
何鄉堪靜坐
最曠有禪宮
喜到清涼地
翻悲途路翁
繩牀真樂事
寂坐聽松風

蓮花仙庵

毛大年

一徑松蘿幽
煙霞趣若流
禪房秋水淨
僧榻暮雲留
係梵空中
度青蓮劫外
浮徘徊隨處
好不得故人遊

四賢祠

知縣 吳可敷 漢川人

人琴悲寂路
祠宇傍禪關
舊是蓮牀處
今應竝鳥還
怨衷哀澗裏
神理古松間
夙有緇衣好
懷思不可刪

哀楊汝基謝子啟士芳

心爲冰雪腕無塵
玉折何堪問水濱
黯黯絲江三日雨
聲聲

似爲哭斯人

銳牀碎掌共窮探各踞詞場虎視眈今日修文同地下筆鋒
揆藻亦推三

渺渺冤魂傍楚騷酸風怪雨當詞招情知樟樹河流水應作
胥江萬里濤

讀楊維節稿

有序

庶吉士張溥太倉人

同社楊維節真人真文余所師事刻其稿行追以二
韻既發好德之懷聊述作者之意

昔今遙問蒼渺意托微彈句發含秋水文成卷大山窮愁書
不恨富貴字俱刪理以靜方出辭因老得閒縱橫眾府庫雅

瑞金縣志

卷三 明詩

十

淡歎波瀾止筆猶存性尊經未可翻

子本尚節義雕蟲何足論高言懷歎韻至性結清文中正非
時體英雄全古人析義憐偏重良工苦愈新精光誠爛漫孤
秀絕等倫平日羞溫飽扶衰一以真

哭楊維節師十首

王亦臨江甯人

寒亭孤鶴帶香歸搔首天涯一夜非窗下秋塵應未掃竹風
偏灑讀書衣

絳紗深處較文章細雨春殘手尚香問字何人俱醉去相思
空自有胡牀

學古那知死最真蒼天還有苦心人支公莫話前因事春去

秋來只此身

山陽笛淚寄何人
餘子聽來總不真
春夢可堪兒女說
英雄簿上自傷神

青雲樓上花開夜
手我千篇嘆不逢
門下感恩何足道
公孫非復少年中

竹柏蕭蕭作意寒
最憐忠孝別人難
世間絕少窮司馬
收得遺文不忍看

富貴神仙事果虛
獨留冰雪照離居
埋愁纔稱千年調
又是人間落月初

選夢場中待客回
大招雖賦亦塵埃
古愁見說人難到
老老

瑞金縣志

卷三

明詩

十一

青山眼倦開

日日鍾山款藥鑪
布袍如見古人初
空堂花滿嫌汚地
種得青松誰著書

玉棺天墜等遙峯
卽有才人萬古風
江北江南愁不了
焚香如拜石樓空

自瑞金往石城過鷺公嶼作

編修黃仲昭

峻嶒高嶼切雲霞
倦客經行興轉賒
深徑黃茅數十里
荒村綠樹兩三家
羊腸佶屈隨崖轉
馬足凌兢怯石斜
世路險巖甯獨此
市朝平坦更堪嗟

登毓秀臺

平岡漫衍一臺從步屨登臨色象逢東去粵閩煙外斷南來
天地望中空江山百里形襟帶雲樹千家氣鬱葱聞說草亭
荒蕪久至今海內盛元風

國朝詩

題錢容山明府瑞金平寇圖

大學士王掞 太倉人

聖世不佳兵仁人足勘亂雩都故要衝谿山勢衍曼不無蛾
米羣出沒恃驕悍牀蟻輒復鬪社狐不易灌錢公實智囊縮
符歲未半設餌誘鯨鯢開圖布鶩鶴雄畧走風霆推排鮮堅
榦遂令笑談間次第分京觀乃知埽欃槍功成在能斷堂堂
神仙令輶鈴妙淹貫至今章貢江澄波接天漢屢豐人飽歌

瑞金縣志

卷十三 國朝詩

十二

卽圖頌神算千載叔子碑行人含涕看

曉發小密至瑞金作

贛南道丁焯 晉江人

樹響忽驚秋嵐深欲變雨雲山翠幾重莫辨來時路

又

崑岑了髻危登陟愁難歇日暮下層巔數聲泥滑滑

又

何年壁山腰鑿徑到溪背溪上白雲生雲中春水確

又

雲龍亘方舟列屋藏舟裏過雨一停驂開窗俯綠水

又

撞牛下遠波鷓鴣啼叢竹落葉見空村炊煙起林屋

又

望裏見孤城行行津市杳極浦水霞收遙天山月小

觀錢容山先生瑞金平寇圖因題

修撰王式丹 寶應人

緊縣論兵地儒生蕩寇年四郊歸算畧三捷靖烽煙休馬新

收砦驅牛舊種田至今輿頌在遺澤潤山川

題瑞金平寇圖

工部主事蔣仁錫 大興人

岡阜控大江飽聞雩都峽虎盜恣縱橫猙獰復雜遝瑞金閩

粵衝連山互環市逋寇蟠其間張去聲甚不可狎蔓延近百年

鉦鼓肆鎗鎔侯聲急傳來雄威勢先壓設奇以制變樽俎裕

瑞金縣志

卷十三 國朝詩

十三

兵法殲忠縛陳許一如枯朽拉鈴閣出韜鈴武夫釋韎韜角

靜水龍吟劍斂文犀匣俗漸樂耕桑民不識科甲勘亂以文

修恩高實翔洽至今此邦人尸祝謹伏臘乃知經世才踵興

亦非乏用舍繫乎時誰能叩閭闔不見賢侯孫天涯尚彈鋏

黃竹嶺

曾 畹 甯都人

高峯日欲頽二月入閩來石峽交飛瀑山欺易動雷無風人

急度欲雨鳥先回處處燒田棧山光黯不開

羅漢巖

甯夏道黎士宏 長汀人

石亦須清悟巖非浪得名卽看遊止日能使道心生

獅子峯

勢已分全力羣峯各避爭莫云須一吼音寂悟諸生

剪雲臺

去天纔幾尺雲亦翦非難同師登臺日分予一片看

八音澗

一澗聚眾音山川亦饒舌知有幽窗人臥聽數分別

鎖雲橋

攜得不贈人几案足清賞我欲煨長虹令雲通來往

鉢盂山

辟穀尋常事山僧饑不殊欲教盈大地魚鳥引同盂

米堆石

瑞金縣志

卷十三

國朝詩

十四

我亦疑斯語師今爲訂訛米家真本少畱爾寄巖阿

試劍石

光鋸不暫間靈風光草昧青濛虎兕嘶猶有劍威在

蠟燭峯

具形光未足指點費山僧教爾皈依性隨方禮佛燈

撒珠泉

良士不示樸胡乃弄狡獪青山衣領寒珠落長河外

千丈崖

猿鳥魂皆墮煙雲到不齊若箇閒遊者撒手度崖西

臥龍潭

鱗甲原非懶看時想獨哀安瀾猶未足况欲吼風雷

送采公歸松竇

來何乘興去何忙竹杖橫挑百里長足跡無多時看友門庭
雖廣不開堂全收芋栗防僧供分種芰荷伴我香小別山中
猿鳥隊好春相待話連牀

輓烈婦西姑

贛江江起處綿水水東隅朱坊曾烈婦其名爲西姑本自田
家出少小端步趨歸爲而家婦箕帚良艱劬夫壻固涼薄頗
服習爲儒軋軋機杼聲篝燈伴呬晤牀下惜惜女階前翩翩
雛誓不相捐棄並蒂同苑枯人事苦陰晴夫病日衰癯藥餌

瑞金縣志

卷三

國朝詩

十五

解明璫露禱虔青蒲卒屠四載中清淚日彈珠倏有日者過
嗟言談咨睢七政無患害坐而婦凶虞婦在命不活婦去生
可圖姑聞暗作計我何惜區區死生真得貸願得償微軀開
我嫁時箱檢點舊羅襦尺組下黃泉爲夫延須臾夫聞把姑
手卿何過計爲日者言多妄子女愁孤遺好語謝夫壻慎莫
薄命思潛身入房櫳堇毒甘如飴二月十九日是姑致命期
小兒哭依牀小女哭牽衣夫壻霍然起不復須扶攜隣里怪
嗟嘆城郭聞驚疑翁子亦有婦季友亦有妻各各蒙被臥不
敢出戶窺我嘗閱史傳古昔多貞姬從死事時有代死事絕
希緹縈求代父漢室標女儀昔有楊忠愍上書坐詆譏其婦

乞夫命刺血濺丹墀天子不見省酸辛到今時如何大司命
肯爲匹婦移事奇意難測誠至理不欺卓卓揚廣文作傳表
芳規藹藹陳叅軍遠來索賤題盛節感人心奮筆安得辭寄
語問故夫好在勤哺糜鴛鴦自成匹連理無旁枝攀條舊枝
折營巢故侶悲九月蘆花飛勝雪莫使兒寒中夜啼

讀鍾司李傳

魏際瑞 甯都人

楊君高老筆足以傳鍾公始信文章事都緣忠孝工鬱孤春
樹雨朝井晚堂鐘獨向南城望時時有白虹

金壇王習之持易極言過訪因出瑞金鍾穀城司李死

難傳見示有作卻寄令子才甲

魏禧 甯都人

瑞金縣志

卷上

國朝詩

十六

有客上翠微日來自絲水手持易極言口稱死義士義士誰
姓鍾才甲則其子其時當唐藩其官維司李贛州丙戌中長
江集鋒矢驍騎屯水南連營如列齒杖策從姚公請當龜角
尾轉餉不肯行效死矢無悔作書與才甲但言葬母耳敵從
南門登公鬪樓下死土民數百萬一朝如斷齊卓哉楊與萬
義烈不多有所傳或非實實者不可紀王君湖海人其言固
爾爾

贛中讀鍾司李傳

林時益 南昌人

十年梅水客五日虎頭城最喜聞遺事深慙沒令名知兵空
抗疏葬母獨傷情爲示鍾公傳相看一涕零

前題

曾思度

帶甲連朝暮枕戈歷夏秋任從心滅沒豈使性沉浮烈骨終成土壯心空射牛思君何處是兩水白泚泚

懷司李鍾君

邱維屏 甯都人

二水交流割城脚水北北流射龜角長江踏破番陽平玉石一朝同一壑六十萬戶血曾乾城頭霜老月光寒望江樓上鬪死者今日還聞鍾推官

望江樓歌

魏書 甯都人

虎頭城上望江樓江樓之下水北流力竭城破鍾子羞百步英血濺敵會滿地瓦礫粉髑髏啼風吟雨長不收我欲認骨將何由秋望江樓千古愁

瑞金縣志

卷三

國朝詩

十七

八鏡臺懷鍾司李

六峯僧 釋溥學

浮雲蔽白日天地失其光志士思興復魂夢自飛翔運移大夏傾一木難主張忘生七尺軀戰死三軍行想當風雨際忠魂遶閣旁未掃戎馬跡熱血幾時涼

挽謝貞女

王良相

天地儲正氣忠貞與節烈卓哉謝氏女志操今古予未及賦于歸夫壻云短折金石堅不渝誓死與同穴一日指百年中心渾如結亭亭松柏姿瑩瑩玉並潔青年既孤貞白首益虔切彤管記新編堪媿共姜鞞

綿江浸月

知縣 朱維高 閬中人

冷然濯魄湛水壺疑是仙人墜寶珠望去銀河槎可接看來
玉兔影全濡霓裳靜滄千波灩鮫室澄開一鏡孤不似關山
吹笛夜清光猶爲勸醞酌

銅鉢茶歌

瘦鶴相隨到遠峯忽傳清籟踏歌濃薰晴散暖香魁草酥雨
含芳秀紫茸聯袂採來矜語笑提筐相和步雍容宮商偏向
籃輿發况有風濤石畔松

雙清柳渡

柳色參差蔭碧溪枝枝交影拂長堤兩行翠幕雲常護一帶

瑞金縣志

卷十三

國朝文

十八

仙源棹不迷譜曲祇應和玉笛垂陰正好聽黃鸝柔條漫許
漁郎折阿緒風流重品題

龍山擁翠

聽說龍山是巨觀蜿蜒屈曲入雲端無心變化形千古有意
敷榮色一般老樹牽蘿遮石壁新枝擺葉媚烟巒支公莫道
情相切縱有黃金買亦難

浮波煙艇

水天渾合浩無垠漾漾浮光四望勻遠近輕涵乘興楫蒼茫
環擁問津人微風蕭瑟吹蘆荻薄霧朦朧罩繭繡畫意詩思
抽不盡幾回忻賞莫辭頻

大障雲樵

石磴盤紆萬木稠，微茫煙景足清幽。
丁丁谷響流泉應，縹緲雲飛曲徑留。
拾得紫芝千歲草，擔來紅葉一肩秋。
逢人若問爛柯事，只省崔嵬在上頭。

陳石流清

靈巖秀出水潺湲，陳跡于今藉以傳。
點點纖鱗波上下，行行潔鷺意舒卷。
羣峯倒影澄秋碧，一道清聲奏雅絃。
記取臨流休載酒，須知此地有廉泉。

筆架凌霄

千秋彩架孰甄陶，矗立文峯天際高。
仰止幾曾供擲筆，躋攀若許憩揮毫。
擬將嵐氣爲箋幅，倩得川流作硯濤。
百尺光芒恆射斗，直分華采屬時髦。

遊竹泉庵

吳爾旒

輕舟泛入竹泉看，颯颯霜風撲面寒。
山色就中浮碧綠，溪聲何處響潺湲。
曲從越客松間度，琴聽高僧月下彈。
同調相逢正行樂，天涯翻覺別離難。

登龍霧山懷謝仙翁

釋行一

傳道神仙事跡奇，常騎竹馬過龍陂。
紫煙未息丹爐火，青翠還磨古路碑。
月出尚聞遊碧漢，花開誰與賦新詩。
山林一夜香風遍，吹到人間尚未知。

適園秋日二首

楊長世 邑人

秋風向我起林木忽蕭疎衣知天氣改涼生先我裾我愛秋
山淡如與高人居水弄碧天色清蒼適我廬我廬空四壁左
右環園蔬饑食園中葵一飽卽無餘
家住林塘前有徑長荆櫬屋瓦經風翻亭亭一孤厦因茲遠
城郭寂寞如荒野柴門不復閉自無人跡寡鄰曲無多人一
一捕魚者結交成素心往來意無假

入松竇謁采若大師賦贈

松竇雲中見嶙峋一石孤開窗花亂入坐閣鳥高呼祖意峯
頭月禪心浦內珠高人從此起大道滿寰區

瑞金縣志

卷三

國朝詩

二十

一入幽巖裏不知身世忘心從聽水遠日自住山長尋壑聞
蘭靜登樓見石香洞天雖曰小座上有獅王

惟明姪新居成

烏衣巷裏昔同鞦搆有新堂落燕泥爲築崇安扶正學難辭
絳室振羣迷白元高論雲亭字赤緣翻經太乙藜今日黃初
先得在傳家不負舊關西

訪采若大師歸自古南住松竇

久荒三徑去人間冷御清風一杖還說法生公依舊石歸來
元曉閉層關竹花旣已闌中國猿鶴何曾怨北山七載南詢
知有事到家穩坐亦幽閒

次位師六峯韻

杖錫坡荒點一廬風前長嘯曳輕裾雲堆洞壑僧迷徑日破
崖陰石出書晨起鳥開峯色立夜深溪報磬聲徐知師建立
原非小一幅橫綵地有餘

輟孝子劉次也

朱康侯 邑人

兵戈滿目嘆紛拏父子相隨死怨家舌未斷時猶切齒血同
濺處却成霞幽泉飲痛應為厲行道傷心不敢嗟日慘風悲
千古恨獨餘生氣在天涯

緝漢巖

謝適 邑人

雲煙時供養風雷與出入何故西來僧千年猶面壁

瑞金縣志

卷十三

國朝詩

二十一

獅子峯

草木猶餘威山川見諸派靜者省其吼定在聲聞外

翦雲臺

空翠濺雲根飛飛高欲墮老僧細翦來尚能供坐臥

八音澗

泉聲擷八音絲竹無其韻圓滿一天寒疾徐憑石運

鎖雲橋

礪響濕剩雲橋空雲或墮來往任自然何處堪容鎖

鉢孟山

洽門久倦勞忍饑正非餓靜影覆空潭風濤撼難破

米堆石

渾淪發古香突兀生光怪絕少米南宮何人解下拜

試劍石

片雲忽中斷豈肯妄求合浩蕩思古今誰爲分闢闔

蠟燭峯

峯聳刺青天孤雲低搖曳不依日月光寂照無邊際

撒珠泉

非珠墮卽珠點雪亦云雪珠與雪參差源窮俱寂滅

千丈崖

赤城一片開雲瀑飛空界我得依枯筇放眼青天外

瑞金縣志

卷十三國朝詩

二十二

臥龍潭

神物不可狎臨淵甯得羨落落守珠人終日望潭面

茶壺灘

因山生曲折遂暱石爲威泝瀨喧篙接支檣弱纜微晴爭風
雨亂秋共瀑水飛莫訝蹄涔小何流不共歸

霧山卽事

招提孤聳迴紅塵我愛諸峯對戶陳繞砌緩遊思往事憑高
獨坐數來人一行樵子歸偏早終夜栖禽叫及晨當此不能
恣嘯傲更於何處問松筠

晴吹冷霧晝難開鬱鬱流青響欲摧仙女共傳從此降古松

莫記幾時栽瀟鳴瓦竈茶初熟飲散苔階鳥下來隱几竹窗
清夢覺風前捧腹更徘徊

贈諧上人居安山

楊以凌 邑人

我過雪峯山遙見安山好臨風聽疎鐘隔葉聲繚繞亂石戛
鳴泉深樹靜歸鳥對此覺悠然塵慮紛如埽維余汨風塵顏
色愁枯槁茅茨恆在目不識西行道念爾山中人脫身自幽
討眇眇望西風鬱鬱傷秋草

遊龍珠寺

新歲方三日卽從龍珠遊非爲好逸樂喜此巖壑幽諸嶺蜿
蜒至長江曲折流松多常礙日塔迴白雲留雖有塵累心到
此寂無求比邱從外歸飽參數十秋承法有其人道力炯雙
眸與之竟日談決水不停畱山以此爲重不特重林邱

雙清柳渡

鍾延聞 邑人

春風三月麗出郭逐遊人岸映晴川綠波縈翠帶新招招喧
渡急嘒嘒嚙鶯頻周道紛車馬無須遠問津

歲盡上俞明府

楊以儼 邑人

康熙九年庚戌冬十二月我覲翁俞老夫子令瑞將
及而矣慈月照人清風盈物人人得未曾有也某區
區之私尤所景仰而心往者然重于瞻謁其精神常
在遠近間匪疎也分不敢瀆耳越翼日爲歲之杪夕

臘盡梅寒水落石出想見吾師嚙雪飲冰之况不禁
下拜至再感成俚章所以志也

大雅久寥棄此邦獨不然斯理誠未喪天民覺其先羣矇昭
待發振興指顧間富貴不曾論意氣厚纏繇用以立頑懦宿
垢殆洗湔古人愛人意學道嗣聖傳吁嗟代更謝疇復念昔
賢羸此一山城牛刀割小鮮鳴琴解民愠而無俗絆牽臘殘
華刊盡松柏長有年

強恕齋箴

大塊命物公爾忘私人心怪險閎膚成籬一膜而外耦俱猜
疑破籬相見眡潰誠基非意纏繇因是可遣施而能恕違道
不遠上士塵塵安驅攸往下士紛封不和乃強權險之平息
而戎兵通忠之順萬彙從聲橫生含氣一視同仁繫惟從生
置腹推心立人之極較若畫一我愛人欲我懼人慄強此恕
行如載營魄無落吾事儻不終日

遊滌翠居

胡裕昆 邑人

一檻平江外早涼火不流蒼煙縈綠樹白露繞丹邱鳥倦因
花立僧閒對客幽如聞元妙旨重鑑碧天秋

竹素園

芰荷香裏碧漫漫竹徑深深綠半灣枯坐老僧無一事靜看
幽鳥自飛還

松竇落成

松竇僧 釋采若

瓦竈煙空十四年堂前荆棘已參天
怡雲室冷無僧過古月臺荒任虎眠
一旦翻回猶鈍漢千秋從此聽安禪
吳山越水誰令至來償青山未了緣

遊羅巖

楊永植 邑人

鴻濛開一線登陟客遊歡漁子捨舟入
奚奴秉燭看泉飛晴亦雨雲覆暑猶寒
未是王陽道相攜上七盤

夜坐毓秀禪林

幾日隨叅聽梵音緇經永夜一燈深
池涼漸失炎威酷地僻彌堅出世心
劫後歸僧無卓錫今來坐客有重陰
忽驚過耳

瑞金縣志

卷十三

國朝詩

二十五

湍飛急遮莫松風起暮林

絲江泛月

謝惟璧 邑人

一泓澄碧練兩岸夾清流點點漁燈燦
蕭蕭楓葉秋波分天上下舟與月沉浮
誰識無窮樂勞生苦未休

東松竇

楊以叡 邑人

地綠人益秀松竇爲君深以此通山性
應知出世心晚瓢連月汲曉磬逐風沉
高致誰能悉悠悠望遠岑

初夏集合龍寺

野行天亦以晴從物性山光將寺逢
綠動竹枝因泊鳥紅歸花氣尚遊蜂
交情欲淡觀澄水秀句浮青數遠峯
一任敲傾

蒼翠裏近來學稼慣泥踪

春暮過合龍寺

疎林野寺水淙淙一二山僧力自備淺瀨當門堪洗鉢
出龍
出水欲聞鐘斷碑未滅前朝字芳草時遮過客蹤
相顧徘徊成久坐春雲欲雨暗長空

萼園落成示弟姪作

晴光消凍映疎櫺阿姪超元弟問經樹裏正宜開此室池邊
尚有未成亭曉風隔竹聞山碓暖氣蒸花綻瓦瓶閉戶著書
今日事莫言有說僅如鈴

入春三日同王宣忠楊勿二鄧次虹過金竹園

瑞金縣志

卷三

國朝詩

二十六

入春日日喜春晴挈侶尋芳歷澗行嬾向人間學磬折願來
山閣聽鐘聲溪邊一樹桃先發門外長年水自鳴住久老僧
渾不覺垂簾端坐說無生

別來勝地甫三冬翠葉朱花已出叢路改忽迷遊士屐橋橫
新對老人峯眼傷世事生民苦心羨山中春事濃幸有此身
閱半日茶鐺清話得從容

稻香園雜咏八首

園爲楊勿二別業

環窗野水漬春苔天上晴雲水際開遠近村謳時斷續風吹
一半入門來

春光容易又言除靜翦殘燈理舊書布穀一聲天未曉空齋

始覺夜清虛

逢春亂種不依時多謝風和及雨滋牆角種松新長葉墩邊
插柳嫩生枝

寒食風花處處忙焙茶指爪帶餘香客來還汲蓮花井共坐

籬門取次嘗

泉在蓮花寺側

偶然談史到三更好友連牀寐不成夜靜水田流宿雨都來
枕上作溪聲

書齋幸傍老農墅野水入田浸禾黍風起平疇生夜涼月中
絮絮聞人語

花草沿籬綠一灣方塘晴影見雲還偶然揭得虎兒意寫我

瑞金縣志

卷上三國朝詩

二十七

門前十里山

有人叩戶入我戶問我江干何處去此間不是武陵源何事
相逢難識路

贈東山寺僧

樹繞東山山下徑老僧樹裏懶揮磬手拈一百八枚珠坐到
月來方出定

宿水流坑三首之一

人間赤旱已三月此地陂流尚有聲禾稼不需甘雨力妻孥
同引野泉耕屨開白板歸黃犢茶長新匏綴舊棚我至日光
正亭午淺檐拂拂好風生

舟行卽景

蕭雅 邑人

淡蕩春風動綠莎依依岸樹映青波一川杳藹晴光媚幾片
輕霞暮色多煙艇縱橫隨鷺泛鳥聲斷續雜漁歌山亭彷彿
楊雄宅誰駕扁舟載酒過

翦雲臺

朱世官 邑人

高崖又出一岑孤策杖登臨意自殊幾欲聳身天半望青山
斷處白雲鋪

鎖雲橋

幽奇覽盡自難分時有疎鐘隱隱聞咫尺桃源無路入小橋
橫鎖一溪雲

瑞金縣志

卷三

國朝詩

二十八

過南堂訪閒谷大師

楊枝高 邑人

幽林僻處廿冬春人世那知禪隱倫小築三間深晦跡大全
十智見真身常觀末法微成恨話到宗門已絕鄰愧我凡塵
親謁晚循循爲指去來因

遊南堂晤閒谷大師

朱大仁 邑人

每愛名山恣遠遊今朝信步到林邱龍嵒怪石連雲起曲折
清溪帶霧流愧我塵襟窺色相羨君道味淡營求禪心原自
符明月話到深宵月影留

丁丑初夏過楊惟才適園

禮部侍郎

王思軾

興國人

瀟灑幽軒結構奇逶迤三徑夾疎籬到門密竹環清沼入座

登臨懷抱爲君開劍佩風流雅稱才愛對煙波浮白飲環招
山色送青來凌霄誰展鴻濛興閱世真同灑灑堆莫惜挂冠
君較早多年名已重金臺

雲龍雅集次韻

橋柱正須司馬題倏來詞客在江湄曾叨贛水同爲吏何幸
石梁共賦詩多士八叉殊衍異使君七步更傳奇懷才尚有
雄飛日勝集何妨冠竹皮

薰風燕子逐飛飛高會衣裳在此時漸煖江山俱秀麗久晴
河水正漣漪山肴野蔌何妨設酒聖詩豪共樂之莫訝象湖
塵俗吏習觴猶得興淋漓

瑞金縣志

卷上

國朝詩

三十

堂成四章

楊以兼 邑人

負郭有園林去家不數武愛茲林木勝聊爲結茅宇位置因
自然修平開荒古溪深藉橋通籬荒乞竹補悠然永晨夕遂
此時處處

橫斜十畝地曲折繞清池隔沼遙相望蒼莽起遐思鄰近有
古刹梵聲十二時何減漁山聽妙唱悅陳思但識此中意鹿
鹿亦何爲

池水浸長堰林木蔭高枝環堵無幾日種槿亦成籬老妻與
弱子容膝安于斯富貴高臺榭畫棟礙雲飛豈不懷壯麗徒
令心神疲悠悠念往古陶公真我師

屋後何蒼蒼景色借鄰莊鄰莊有古樹干霄列千章枝柯橫
雲黛輝映此草堂連池遊輕波魚鳥共翱翔日暮步柴門眞
足適疎狂緬然思古昔徜徉惟蒙莊

皖桐方使君寓侍草園爲楊非迷結亭池上屬余留題
投轄留佳客臨池結小亭水光平苑綠樹色壓簷青怪石成
邱壑名花列嶂屏一區城市地了不異巖扃

雲龍山石壁雷書

磨崖斷壁紋有字昔傳聞似少龍蛇跡眞如蝌蚪文經殘幾
甬雪得伴好煙雲山寺雖多異驚奇賴有君

玉刻凌空壁隱然太古初游人摹鳥篆野老竦雷書河洛文

瑞金縣志

卷三

國朝詩

三十一

相類秦碑字不如冰霜未改色歷盡幾居諸

奉和家人壩橋待采師至同遊東華

支許論交自夙因囂塵相隔意尤親攜筇遠踐看山約擁篲
甯辭清道塵靜侶正堪同野步好山能得幾遊人懸知握手
溪橋下自有風生笑語眞

雨中過桐木障僧庵

篋輿伊軋走深山勝集山中十日還嶺擁重雲垂縵縵溪迎
急雨瀉潺潺行穿木葉青紅際路入茅庵杳藹間聞道上方
巒岫好草泥霑潤阻躋攀

次韻和劉岫立遊耦雲居

扶筇遊寺是何時寄得詩篇淡若斯雅意常排中麓體新聲
直接右丞支霜楓冉冉紅盈路寒菊菲菲綻一籬老去尋芳
心似水無能酒琰共相持

小至日同友人深隴看梅遂遊插柏林訪拙草師

寒谷陽生葭管徵梅花相看意如水因探水上橫斜影得訪
山中清靜僧野徑云遙從緩步高堂望遠喜先登年來我亦
逃禪者一到桑林意倍增

探梅二首

野性從來獨愛梅每當節候賞花開賦歸鄉國幾三歲得探
幽芳又一過良夜喜遲明月上天涯如望故人來狂風數日

瑞金縣志

卷十三

國朝詩

三十二

寒尤甚不事庭前羯鼓催

欲知春信問寒梅蕊結枝頭尚未開飛點壽陽尋欲放折逢
驛使尚遲迴橫斜影愛臨風動幽靜香期帶雪來知爾含葩
原有意新粧須是待詩催

壽東山寺僧

東山勝處縛枯禪已占人間小有天一水迷茫浮綠野千峯
隱現帶蒼煙如能領畧應非俗不問修持亦自賢聞道爐香
方丈內楞伽數軸日窮研

雲龍雅集

輕風夾岸落花飛燕舞鶯啼春暮時幾處遠山生杳靄一江

流水瀉漣漪經營既喜逢元顛披寫尤奇遇獻之自笑長林
投老客裁箋也覺興淋漓

次韻方田二邑尊翰閣聯吟

高閣窗櫺四面開登臨作賦賴奇才同舟人謂神仙侶落筆
還驚風雨來芳樹連天濃欲滴重雲擁岫白成堆他年自是
成佳話能吏聯吟在古臺

壬田郊行

知縣 張惠可 浪穹人

極目高原綠滿秔柳陰深處鳥催耕一犁黃犢扶春雨半架
青藤覆杜蘅小憩涼因憑石坐登高閒當看山行歸來騎馬
壬田路野渡危橋送晚晴

瑞金縣志

卷十三 國朝詩

三十三

由鐵山過桐木嶺

鍾元鉉 安遠人

乍霽路仍滑溪聲流潏潏病後筋力損但覺步履艱一山數
十轉一水數十灣迢迢萬峯裏置身白雲間何如謝世網幽
居日閉關

深隴看梅

文 峙 會昌人

絲江郭外萬株梅鐵榦槎枒裹綠苔花落花開人不見百年
攢簇空山隈却有高人江畔住開門徑對羅浮樹盡收花氣
入簾櫳時向花間尋好句訪舊挈舟到適園聞邀杖履過花
村同人更有秦黃輩未覺身輕步若奔遙望平原十里白盈
盈一帶清溪隔疎籬叢竹兩三家此中疑是逃秦客尤憐麥

浪隴頭青襯出新粧分外明更選濃香敷坐具杯盤亂點落花英曾傳盱水桃如此開日遊人紛若蠅花固無言蹊自成末應顯晦同人理微酣已覺夕陽斜再向江頭放眼賒公等何難歲一至惟予回首重咨嗟

甲鍾穀城二首

楊綠 邑人

鍾穀城先生守虔城死于八鏡臺每一登臨感慨係之悼念忠魂得詩二章亦謝臯羽西臺慟哭之意也古臺崔崔公之所守劍光目炬彷彿在牖其下水流其上雲愁公心之所憂兮非世俗之所求

崔崔古臺下民其咨咨汝不時喪我邦君子惟君子能持惟

瑞金縣志

卷十三 國朝詩

三十四

君子能死血兮碧兮亶公之跡兮

雲龍橋

偃蹇虹橋跨古洲長江一道數分流經營端賴賢侯力怵舞欣聞父老謳風定帆檣相上下月明鷗鷺雜沉浮定知能吏聯吟處名共溪山萬古留

雲龍橋

謝重捷 邑人

漫誇瀛海渡鞭石事荒唐似此長虹蹟真推碎錦坊二難忻勝會七步訝詩狂春色多桃李迎風夾岸香

雲龍雅集次韻

楊枝翠 邑人

橋成佳日快分題列坐風光映水湄既喜高軒先作賦更招

羣彥共吟詩還看續紀千年永豈直力爭一韻奇此日山川
稱盛事風流何讓古南皮

前題

楊兆汾 邑人

長橋鎖浪白虹飛盛事絲江此一時龍臥澄潭鱗隱現鶴窺
華表水清漪登臨何幸同靈運追和無能效退之柳岸沙汀
日陪從談諧只有酒淋漓

翰閣聯吟次韻

謝重揚 邑人

晴吹遠岫片雲開攬勝追陪愧短才景不能言崔顥咏文雖
宿構子安來閭閣撲地烟千縷芹藻滌池綠一堆把酒臨風
何恨意還乘蚤月坐樓臺

瑞金縣志

卷十三 國朝詩

雲龍橋

春水分流錦浪齊為梁如砥跨青霓甯同秦世千松道不異
蘇公萬柳堤心曠螺亭供遠眺興豪雕柱更留題雄才巨績
稱雙美氣共吞雲鎮石犀

遊龍山訪維詰大師

謝重揮 邑人

一塵不染此山邱瑟瑟風聲送杪秋水繞松根清復駛雲依
蘭若去還留蜂臺驚看花飛座塵柄搖來石點頭晤對支公
鐘磬寂凡心頓盡覺優游

雲龍橋

使君饒利濟又建石梁成遊屐來龍友題詞重馬卿紅酣江

日湧青鎖岸雲平勝事當修禊追陪論墨兵

翰閣聯吟次韻

劉嶰 邑人

百尺凌虛江閣開正須題韻具雄才何期宓子鳴琴暇更拉
山公載酒來流水一灣潭面淨橫嵐幾處嶺頭堆高吟對此
情偏逸屋漏痕留在石臺

遊龍珠寺次壁間韻

蜿蜒羣嶺曲蘭若萬松深風景逢佳日笑談諧素心不因乘
逸興安得此幽尋尤愛山門外霜花點翠林
摩空有古塔登眺幾人同疊磴穿雲路淩霄聳梵宮長江流
不盡崇嶺望難窮倏爾松濤激遙聞下界風

瑞金縣志

卷十三 國朝詩

三十六

每愛招提境參天有古松清濤徐出谷幽韻苔微鐘綠葉堪
爲塵蒼鱗認似龍一番新雨後幾處翠嵐封

雲龍橋

楊時俸 邑人

累石功高據要衝氣如雲起勢如龍濟川才本推舟楫銘績
人爭勒鼎鐘水市籠煙連夾岸石欄環翠護千峯品題幸有
相如至嵐彩濤文擁筆鋒

雲龍橋

楊方英 邑人

綿江有石梁橫亘若飛虹其下臨廣淵倒影見青龍興造者
何人規度勢豪雄實爲賢使君人力奮天工當年木橋圯憂
心實忡忡經營日慘淡三載成厥功落成歲辛巳春花三月

中俟有高軒過徘徊意無窮謂此偏僻地山川頗鬱蒸卽成
河梁景恍與楓橋同折柬邀使君酒榼羅詩筒借問客爲誰
皖桐一巨公揮豪成珠玉字字挾霜風嗟予忝世講當年惜
未逢倦遊過下里氣誼始相通復得聯文讌又喜接談鋒側
聽霏霏下信爲風雅宗

遊居雲龍山

雲龍層石最離奇百堵依崖住亦宜疊疊土房甃作牖重重
斗室棘爲籬壁邊泉眼新穿井巖上牆圍舊築陴當日避秦
人尚在閒爲指點話艱危

遊半邱庵訪眉大師

瑞金縣志 卷十三 國朝詩

能關山靈築此居鋤青掃葉十年餘懸崖疎樹空中現面壁
浮塵靜裏除雨澗泉聲宜密旨數峯淨色露真如良朋爲話
溪山勝得與扶筇聽梵書

雲龍橋

楊枝雲 邑人

石梁聳拔與雲齊橫鎖長江壓浪低人物空中觀海市蜿蜒
水際飲虹蜺漁歌斷續聽難盡帆影浮沉望欲迷五載使君
心力瘁每懷名筆一畱題

何意高軒下邑遊憑欄笑詠集名流子安序重滕王閣崔顥
詩畱黃鶴樓修禊正當春景暮忘歸直待夕曛收題橋愧乏
相如志漫附青雲事唱酬

雲龍橋

謝重拔

邑八

綿江江水黃竹起委宛榮洄繞城趾春夏之間濤暴漲奔騰
肆出怒而駛輿梁自昔架長虹不必子產濟溱洧倏忽神龍
鼓層波圯石頽然逐流水使君臨河嗟徘徊利涉吾民何有
哉醵金四載勤鼓舞經營慘淡日幾回定州咸歌刺史德富
平羣讓杜預才仰視空中何纏絲不雨不雲龍蜿蜒肩摩輻
輳走西東蜃樓海市聲喧闐兩岸人煙堪圖畫一亭風月足
流連憑欄送目江水轉水轉山環意渺然誰能題咏傳千古
恰邀高軒才繡虎雅集正當修禊時天朗氣清臨流賦奇奇
怪怪巨山文操筆殊難追步武解鞍敲枕綠楊橋翻却子瞻

瑞金縣志

卷十三

國朝詩

三十八

西江月詞譜

暴漲

連日陰霾雨淋漓竟夜翻盆勢可危懶慢忘憂尙高臥僕報
江漲穿城池家人忙倉失所措予笑尋常尺寸之間又何疑
詎意波濤入我屋深室閒房成溪谷圖書幾架任浮沉日用
家計附水族身外瑣瑣不足言挈家登樓且逃奔老母鄰壁
可無恙漭沆但恐驚心魂兩兒讀書郭外去縮地無能到山
園王母樞亦厝園中痛切漂泊聽沒存眼穿北望心如割欲
哭不哭飲泣吞東鄰牆壁驚山仆西舍棟宇儼雷吼女哭男
啼暗江河人溺家傾慘宇宙夢夢天猶黯淡容雨師馳驟亦

何兇靈胥呼風扇黑浪馮夷擊鼓鞭神龍浩蕩雄翻龍鼉窟
森森萬壑盡朝宗舉家相對無人色終日終夜心惻惻小孫
牽裳亦惶懼那堪饑餓存喘息倏忽鷄鳴水漸退天曉下視
泥汙穢老僕涉險渡大江探得兩兒齋樓內王母幸藉在天
靈依然如故還自在買舟急命早歸來拜首冥冥圖報賽吁
嗟乎六十年前聞遇水從未洶湧有如此崇山峻嶺俱崩頽
古冢朽骨皆流徙滿目凋殘不勝悲萬家淩楚苦入髓時維
丙戌五月朔以詩紀之當野史

遊東林

野興東林望山山日落幽鴉歸喧寺過犬臥怪人遊酒熟將
樽倒詩清卮筆留暮天耽趣客看鎖白雲休

瑞金縣志

卷七 國朝詩

三十九

遊漱林

飛錫何年到此間于今嶺半結禪關流來一水同琴韻收得
諸峯伴佛閒茶竈濤聲留客話松窗花發點山顏已公茅屨
真堪咏欲臥一邱不忍還

遊六峯四首

造物抑何奇峯巒成萬狀白衣幻蒼狗波濤爭激盪
峯峯生異態宜雲更宜月魚尾靜招提魍魅疑出沒
玲瓏應點頭我當一下拜袖中將不去安得廉使怪
靈運屐未來奇章罕品較與僧尋邱壑登眺雜虎豹

雲龍橋

楊兆滋 邑人

五載石梁喜落成
繇江風景一番新
幽人韻士供臨眺
秀水佳山對夕晨
既有賢侯施利濟
能無嘉客賦陽春
慚予素乏題橋志
捧讀瑤篇輒效顰

秋日遊龍珠寺次壁間韻

朱雲映 邑人

不到禪栖所
甯知避地深
葉封幾曲徑
松老百年心
客屐隨谿轉
僧詩向壁尋
雲堂仙梵寂
寒翠滿空林

絕頂開雙眼
蒼茫迥不同
江流歸覺路
松影落花宮
野闊秋雲淨
天空去鳥窮
人從木末出
遺世欲乘風

積翠浮空出
參天萬箇松
清陰寒竹院
高韻亂霜鐘
葉瘦蒼

瑞金縣志

卷三

國朝詩

四十

疑髮鱗身畫
逼龍長年雷
黛色環向寺
門封

暮春同謝柳渡過東林訪張紫芝山人集老杜重過何

氏五首成詩

野色纔微暮
山日落日斜
林幽留宿蝶
天白點歸鴉
作客仍居寺
看雲可意家
茫然相悵望
移步到平沙

重過華林

此地十年別
重來捫薜蘿
竹疎林更好
松老榦逾我
僻徑稀人跡
空山有鳥歌
老成今已謝
依舊白雲多

同劉岫立遊蓮花庵限韻

春色牽遊興
山容欲畫晴
樹含煙漸綠
花發酒偏醒
曲徑探

禪室深林隔市城野禽迎客到宛轉弄聲輕

九日毓秀臺

一天風日淡清秋秋思臨高易得愁舊日川原仍繡壤幾年
樓閣漸墟邱雲中晚樹含煙淨閣外寒江咽石流今古蒼茫
同眺望暮山吟罷獨搔頭

搔頭吟望目難窮人在蒼然暮靄中天影下連秋水白鴈行
分翦斷霞紅荒臺少發蕭蕭菊敲帽斜當淡淡風暗惜流陰
催短景年年休放酒盃空

雲龍橋看月

虹橋聳架碧雲端月小天高四望寬兩岸無痕疑盡水千山

瑞金縣志

卷三

國朝詩

四十一

如洗欲生寒從來素魄同今夜此地秋光改昔觀彷彿御風
空際去不知身尙倚欄杆

深隴看梅

偶尋春信向溪邊歷落寒梅着意妍瘦骨幾愁村徑老香魂
難託路人憐乍成相識開青眼似得奇逢見謫仙最是淡粧
堪畫處花開橫繞抹輕煙

雲龍雅集次韻

惠風和暢百花飛恰是蘭亭禊飲時白鳥翱翔雲靉靄畫船
搖蕩水漣漪石梁旣喜功成矣仙吏還將詩落之卽見上頭
崔顥句揮毫也自興淋漓

遊實相寺

鍾定曦 邑人

落盡山花初夏天
村村雨足水平田
輕風淡蕩搖新柳
野樹高低起暮煙
無限禪機雲漠漠
更饒逸興鳥翩翩
茶聲如答溪流響
月到三更客未眠

秋日遊龍霧山因畱信宿

朱大仁

金風颯颯正深秋
攜得同人覓勝遊
滿地黃花迷谷口
半天空翠淨峯頭
嶙峋峭壁隨雲起
激灑長溪漾月流
佳境久爲仙子宅
登臨懷想正悠悠

尋幽半日到山蹊
古樹陰森夾道迷
徑峭路迴紅葉亂
巒層

峯聳白雲棲池邊
月皎明秋水

半嶺有仙女池即謝仙翁觀奔處

冢上碑殘

瑞金縣志

卷十三

國朝詩

四十二

竄野颺

仙翁墓在池側

曉起開窗煙霧滿
空濛直覺碧天低

九日遊東山寺

謝濤 邑人

萬竹橫遮寺綠筠
色染房烏閒僧共狎
花靜茗同香聞梵心
如洗敲詩意若狂
山尖嵐矗起燕坐看
蒼茫

九日毓秀臺

快哉風起帽斜敲
遠岫嵐飄看欲迷
雁字排空浮碧落
魚音節梵出招提
一亭隱現雲煙密
四望遙空宇宙奇
好是年年詩興健
不須送酒醉東籬

雲龍橋

夾岸花開柳絮輕
長江春水碧盈盈
帆迴月窟欄畱影
浪激

雲門石有聲四美人誇王勃至半蘇名藉子瞻成濟川才與
題橋並新譜絃歌韻共清

題鎖雲橋

朱大立 邑人

洞口烟蘿一望迷白雲重疊筦山溪斜依巖壑同嵐罩深閉
松杉護鶴棲截澗虹腰時隱現架空鰲背半高低分明鷄犬
聞深處似隔仙凡不可梯

雲龍橋

楊士琅 邑人

嵐青雲翠望週迴縣貢交流錦浪開得向康莊容展步輿梁
新頌濟川才

留題更幸到名賢揮灑雲煙儼似仙勝績佳名傳已遍鴈門

瑞金縣志

卷三 國朝詩

四十三

風度並龍眠

輓孝子朱永京

賴惟覺 邑人

傷哉母病不能痊何意生為命遂捐未得鷄豚供白髮還將
衰經侍黃泉白楊風起蕭蕭夜淡月煙籠漠漠天琴劍依然
人影寂不堪憑弔淚潸潸

次韻留別楊維莊

知縣 俞有斐

吏道久淪俗緬邈懷高賢素心明淡泊仁風由以宣所藉坊
表士于于來吾前簿書稍以暇正誼相勉旃芳躅浚霄岑潔
源滋清川女得人焉爾民始獲所天初仕來縣江矢志良欲
然何因逢子羽風雅鏗歌絃贈言瓊玖珮令我喻烹鮮奈緣

貧也病聊謝五斗牽德音永勿諉詎同束帛去去重攜手
徘徊岐路邊自慚歸臥拙期君着鞭先帝鄉攄治策爲霖佐
堯年

羅難詩 四首并序

謝 適 邑人

廿一日兵破陳石寨嗔其閉關相抗倏忽間天地慘昏屍
橫京積始信昔日屠坑斷非傳聞之悞余在難中幸以身
免

萬山避難難相尋湯火魂飛聽淺深黃霧光中水陸相白雲
影裏死生心箭無可射刀無入火不能焚水不沉靜問蒼天
亦何意至今痛定轉悲吟

瑞金縣志

卷十一

國朝詩

四十四

又 夜走
十六郎

天黯峯摧去路迷愁多月色每來遲烽驚搖目前山碎霜重
侵人短髮垂步步牽衣攔敗棘淒淒曳杖泣饑兒隔林野火
流光出試一低聲問所之

又 水村
夜望

淒涼暝色對寒川可似鳧鷖去復旋水國有天難問月荒原
無路不生煙鬼騎走岸空人迹燐火隨螢照澗泉數點殘峯
衰柳外祇憑孤影自相憐

又 旅居

孳室間關泣路歧一天雲慘傷山低招舟欲涉誰須友繞樹

將栖何處枝乞食叩門慙作客併衣分凍忍啼兒園松獨負
好顏色可奈晚風無數吹

哭方蘊羞令君憂國事卒于嶺南旅邸

半綬遙思漑釜鬻欲支大厦苦難任不堪爲處掣雙肘無可
奈何灰寸心賫志剩畱埋井稿行吟甘赴汨羅沉應知天上
騎星去莫向人間取次尋

劍履飄然世所希故家忠孝本相師

公故巡撫方公未孩子精神潭水

清無比丰格梅花韻與宜臨網悠悠看鳥遠當門黯黯嘆蘭
衰廣陵散已今貞絕峴首誰爲問舊碑

議復義倉

楊兆溶 邑人

瑞金縣志

卷十三 國朝詩

四十五

築舍及道旁三年無成模畫餅充枵腹終日且饑驅甯與中
產策莫與富室圖中產猶仗義富室反踟躕貧士抱寸心仰
天徒嗟吁及時爲霖雨澤溥涸轍魚

清明曲

楊兆涉 邑人

棟花香處雨痕新柳葉光中日色明百轉流鶯誇舌健雙飛
乳燕試身輕

闌珊花事已無存蝶攙蜂爭剩幾分小婢摘花還自笑一雙
蜂蝶遶羅裙

山城士女慣埋藏難與吳儂鬪豔妝不戴桃花嫌命薄貧簪
柳葉愛絲長

隔花女伴笑相呼今日泥乾上冢無春意無情天不管水邊啼殺鳥姑姑

兩自無情春自歸花枝瘦盡柳陰肥雛鶯苦戀柔條立搖曳隨風不肯飛

放鴛愁殺小童儕泥滑花隄雨濕街阿姊禱晴心更急雙雙燒却鳳頭鞵

最愛清明節物佳青樽不忍負韶華濃林綠暗鳴鐘寺深杏紅圍賣酒家

花外人家柳外庵無邊春色豔城南請君小駐遊春馬聽唱吳歌三月三

瑞金縣志

卷三 國朝詩

四十六

深隴梅花圖歌為楊季重作

尹元貢 雋都人

楊郎雅癖愛探奇與會獨得輒淋漓一春好共芳菲列六時每與溪山期家住梅花最深隴南枝北枝分異種十里聯駢千萬株到來寒谷香風漏年年花下自歡呼清歌間發為提壺風流輩數十五子共把梅花繪作圖今年招我看梅去遠近縱橫亂村霧饑餐飽嗅眼猶饒恣情生怕斜陽暮不植舍章發官舍甯羨孤山數元墓吟詩安用嶺頭寺尋幽何必羅浮路梅花梅花我欲與汝攜手入天台雪崖冰壑同徘徊仙人採藥不復返石梁無路我心哀梅花梅花我欲與汝飛身到雲夢春滿瀟湘冷煙凍解珮江臯事有無月來誤作明珠

弄不然與汝化爲滄海之白雲成連絕調希音聞西風轟
海波立芳蹤飄泊徒氤氳不然與汝化作丹山之鳳凰雌雄
迭和鳴宮商秦樓寂寞鳳簫歇香魂漠漠天蒼蒼然則我將
與汝結死生我爲弟兮汝爲兄天荒地老情不斷世間萬事
等浮萍楊郎起舞長太息愛我高歌人不識深隴堪營作菟
裘終焉共老梅花國

庚子六月楊子季重屬寫深隴梅花圖并賦小詩二首

周希孟 吳人

十里村連麥隴深寒香樹樹足清吟板橋流水君家是許我
他年一過尋

瑞金縣志 卷三 國朝詩

四十七

又

爲愛梅花補此圖林逋可在畫中無周生也擬荒齋外破得
工夫種幾株

題深隴梅花圖

新安知縣 高爲阜 鉛山人

欲探深隴梅不識深隴路懷想子雲居披圖如對晤傍崖臨
水一捩捩蓬壺十里玉爲砂香撲春衫寒徹骨况添白雪冷
侵牙

前題

浙江道御史 江 阜 貴谿人

君不見暗香浮動孤山月又不見衝寒踏破荒郊雪從來梅
格不尋常賞心誰足稱梅癖以君皎皎冰霜姿儼然直與梅

爭潔讀書梅花萬樹傍滿座瓊英霏玉屑况兼昆季共幽尋
大枝小枝相映拂我一披圖深隴間寒光一片沁心骨彷彿
羅浮夢裏來美人不見空惆悵霎時紙上襲芳香疎影橫斜
疑咫尺愧我峻嶒山澤癯寒瘦與梅同孤癖何年攬勝梅花
莊尋梅折斷遊山屐素心擬作畫中人相逢一笑滿天白

舟泊洋塘與楊子竟庭夜話併送調任之始興

買棹沿江上孤篷夜雨沉一襟雲水意千里弟兄心野漲雙
溪合蠻煙百粵深遙望天杜好何日共披尋

佳會良非偶停橈話薜蘿故人久不見新政近如何絲水家
山近繁花驛路多春江潮正滿行矣慎風波

瑞金縣志

卷三 國朝詩

四十八

舊識盈川令風流尚在茲烏飛雲脈脈簾靜月絲絲煖綠垂
楊柳輕紅擘荔枝平泉花事好應許故人知

一官渾是寄故里喜重留

君由平遠調始興道經故里

家移梅嶺畔春到

曲江頭野棹攜琴入官橋帶鶴遊羅浮香夢遠乘月倍夷猶

題深隴梅花圖

吳錦

休甯人

小拍高吟興正狂披圖何事重徜徉再添松竹相遮映似我
黃山舊草堂

又

珍重寒香乍吐時朱朱白白護疎籬須知結實堪調鼎憑仗
東風一氣吹

前題

劉世律 永新人

夾道庾嶺幾千株芳遊到處境絕殊花裏有國稱名區深隴
幽異正相符香風十里乍有無寒餘春深宛蓬壺老榦着雪
魂欲枯歷落影疎清且癯書聲永夜月懸弧玉笛橫吹飛白
榆仙風拂拂鼓天吳每落瑤香到坐隅那得著屐尋歡娛遣
將幽興入茲圖君有文章並三蘇句帶清香味雋腴梅為好
友興不孤飽讀酣歌歌起予

北橋成作長歌以落之

楊兆瀛 邑人

一年成一墩十年成一橋橋下江水幾回漲江上行人心搖
搖莫道十年少年白骨蓋沙草爺娘哭子妻哭夫淚滴春

瑞金縣志

卷十三

國朝詩

四十九

江紅淼淼勸君收淚更莫愁相將過此無時休不有濟川舟
楫手長歌莫渡彈箏篴今日落成浩蕩春縣官打鼓拜水神
妙舞清歌颯沓進紅筵綠酒次第陳穉子竹馬行逐逐老人
藜杖過輕輕花堤柳岸景如許鴈齒紅腰可憐生但見紫髯
綠眼呂公子鯨波不作蛟浪平長橋之下水清清

自城市移居謝屋排舊居時乾隆甲子短至日也

謝山 邑人

去家三十載終得返山居行李無餘物空囊有破書雜花滿
籬落野水入階除鄰曲時祀過敦龐類古初

題深隴圖

翰林檢討

查慎行

海寧人

我昔曾過大庾嶺梅花臘月已全開君家想像畫圖裏悔不叩門衝雪來

又

矮屋疎籬曲曲通透肌一陣好香風人間炎熱無處避好入老夫詩句中

前題

翰林編修

陸奎勳

平湖人

風番二十四第一耽梅花及時失愛玩梨雪桃蒸霞深隴屬
與區十萬枝橫斜影好香攜歸雋句奪我家豫章五大手文
苑揚奇葩歲寒挺松柏骨性良可誇門風蔚後賢鳳踞而龍
拏一卷冰玉吟不脛走天涯畫空具實相仙乎路豈賒炎夏

瑞金縣志

卷十三

國朝詩

五十

一披賞心爽逾南華

前題

庶吉士

王

翰

信陽人

清影癯癯不畏寒參差萬樹匝林端幽香可向詩中寫冷豔
偏宜畫裏看光射九英曾見異芳生重萼獨遺安家君世有
凌雲筆咫尺蜚聲步玉鑾

前題

庶吉士

馮

詠

金谿人

有明文藻盛江西澹餘先生骨格奇舍北舍南種梅樹崢嶸
突兀珊瑚枝詒厥百年擅文筆冰玉之姿世無匹手持一卷
叩門來開視琳瑯風蕭瑟我昔曾尋羅浮畔初冬破梅陽氣
亂浮花浪蘂障霧中蠻風蛩雨消息斷而今憔悴披此圖殘

月夢醒江南書風標拔俗三千丈一杯徑醉海雲孤

前題

西安布政使

帥念祖

奉新人

我聞張公甫玉照名齋堂梅花三百樹一枝一枝香皎然環
映濯水影寒沁毛髮生清光買山無錢結遐想春色十度九
自傷香魂泐泐隔煙水月明夢斷羅浮粧怪君清標奪凡格
玉骨翩珊近仙客文心未羨宋景賦幽居况似林逋宅昨來
披圖見深隴萬顆瓊英浸寒碧君家昆從多才名時向林間
布長席隴上隴下露殘雪南枝北枝發清夕東風吹春入詩
筆墨氣溶溶漾香液含芳嚼蕊心花生字字春光弄顏色高
歌翠羽候嘈啣月落參橫響殘拍與君定交如有神君才自

瑞金縣志

卷十三

國朝詩

五十一

與梅花春他年驛使若相值願寄一枝來故人

藤石行爲族兄東庵作

楊方萌

邑人

吾兄東庵素好奇園亭位置水之湄窗櫺六扇波光裏柳條
荷葉相高低春山峨翠時當面百尺浮圖雲外見倚檻却嫌
眉黛遠購得靈奇石一片嵌空竇穴何玲瓏彷彿藤蟠偃蓋
松裂罅滴泉池恰受昔邪寄跡青蒙茸吾聞此石漚花化海
波激撞無晝夜馮夷遊戲學五丁逼窄壺中成九華從合變
幻如等閒豈獨陵谷倏忽間君不見摩詰提筆落紙上畫石
明朝飛上山

同王仲立暨家諸叔祖弟姪輩探梅深隴分韻得四支

九佳四豪

依山臨水萬花枝惆悵經年與別離
紙帳香酣頻入夢畫樓
笛起輒相思打頭寒雪初傳信
透骨清芬定及時料理尊壘
江上去招邀生怕悞佳期

莫訝尋芳恁早來隴頭音信未全乖
乍開小朵不勝瘦點在
寒梢亦自佳不向繁華尋勝事
原從淡泊覓生涯北枝休怨
東風晚只此疎疎稱雅懷

移尊選勝辟蓬蒿曾此當年倒濁醪
獨出繁枝如有約恰當
卓帽不多高莫愁小瓣臨風快
自合新花着蒂牢聊爲招魂
芳草岸玉杯瑤瑟薦溪毛

瑞金縣志

卷十三

國朝詩

五十二

杪秋同家兄涑水亘夫暨弟漳水姪季重番士遊龍珠
寺尋四賢祠故址

楊兆滂

邑人

浮圖看雪歷年深又手冥搜費記尋
今雨仍來傷老大舊僧
已逝感人琴且聽松籟清塵耳
欲喚村醪淪壯心真個瀝花
堪一笑浮生何用計升沉

秋氣蕭騷入望悲野花開落四賢祠
酣香蛺蝶迷荒圃浴水
鳥鷺占廢池交可斷金終已耳
文難續命竟如斯百年指顧
成陳迹淚濺苔封臥寺碑

題深隴圖

信豐知縣

邱上峯

長甯人

折梅不必多隴頭一枝當千百種梅
不厭多放鶴亭前曾作

宅人重梅花花重人從來韻事都因癖深隴地僻梅萬株寒
香吹噓遇端伯楊君才華壓衆芳勁質冰心世無匹丰姿修
潔自出塵不向桃李爭顏色高門昆季復亭亭瓊枝掩映羅
浮格伯華額手得知交莫向幽芳嘆孤寂霜晨問信有何郎
追隨更有騎驢客縞衣相視照兩心月落參橫自吹笛詩腸
浣盡倒清樽片片飛英玉滿席人重梅花花重人孤山深隴
何今昔臨風笑語隴頭人願寄冰心慰相憶

前題

鄧士錦
南城人

山南山北朔風嚴滿放梅花倚石尖深隴香迴清夢穩寒塘
波向老枝添詩筒白沸人高座紗帽黃昏伴捲簾開卷便知
瑞金縣志

卷十三 國朝詩

五十二

春信早一尊留話野夫潛

前題

李乃位
貴溪人

梅開深隴幾千枝整整斜斜一幅詩有夢難隨庾嶺云冰心
應許玉人知

展將消息繪圖中畫裏藏詩詩亦同漫道江城落五月羅浮
直與廣寒通

前題

梅國棟
南城人

罨籠香魂雪壓枝披圖春在水之湄清風幽韻浸書帙淡月
氤氳貯鼎彝莫向羅浮思解珮何須驛騎漫題詩山莊喚起
徐熙筆左着梅花右着伊

前題

劉旅錫 江甯人

命權發幽尋歷轉已深隴冬寒雪欲來春意梅早奉氣候猶
鬱悒風神未昂聳月明聞暗香開謝心將恐一過消息傳再
過花環拱飲酒賦新詩倦倦在餘勇韻事鍾才人孤標排荒
茸悠然巖壑間鹿門得高踵

前題

王濂 祥符人

山南山北沁寒香羞把冰心付壽陽爭向百花頭上發一枝
先透讀書堂

前題

劉楷焯 鉛山人

十里梅花繡野村楊家兄弟思紛紛喚殘白鶴孤山月叫斷
瑞金縣志 卷十三 國朝詩 五十四
清猿庾嶺雲驛路一枝羞折寄江城五月怯平分林逋一
步無消息玉笛聲聲夜叩門

前題

海內帖括自韓慕廬宗伯後皆知追尋先正於是西
江五家之文出矣澹餘先生文尤孤迥獨具機杼予
幼讀之而心好未能學也頻年遊于南州適太史昆
明王公視學大振文風巡貢江而上得士首季重爲
澹餘公從孫緬惟家學繪梅圃一圖高風可挹也太
史巡考贛南會登庾嶺種紅梅數百株賦以長句已
書于冊吳江張太史爲之序予不揣謏陋漫續俚句

季重獨珍瓣香自當爲海內芟繁闢其克副昆明吳
江二公鑿拔則深隴老梅奇根幽韻且雄視雙江矣
披圖頓覺透肌涼冰雪江溪舊圃長漠漠晶簾人兀坐紛紛
玉案卷相當種梅老去文章伯斫桂新傳才子香謂今秋必獲雋應
似嶺頭栽並茂還須太史挹芬芳

前題

吳人縉會昌人

深隴梅花真奇絕十里綠疇堆玉雪楊家子弟何風流騷情
每向梅花發客齋靜對梅花圖寒光照庭明月孤不知昨夜
誰家笛吹落江頭幾萬株

前題

玉觀海甯都人

瑞金縣志

卷三 國朝詩

五十五

秋水精神冰雪腸蘭亭觴咏續梅莊清風一段騷人韻散作
寒花萬樹香

前題

張好時吳江人

梅花吳下推鄧尉國號眾香無別卉亦有西谿詫武林官閣
揚州盛名沸贛濱路近羅浮區絲江深隴玉雪鋪一之二之
日感發千樹萬樹花紛敷誠齋梅序擅揚推楊氏多才何磊
落裁冰翦雪相酬和斗酒百篇恣懽譁或爲橫笛倚高樓或
爲鼓柁泝中流不管春風有寒煖只自連宵秉燭遊放鶴來
招知客到滿徑堆英閒不埽角巾裋褐皆吾曹酒與詩豪世
間少連篇滿篋白雪詞繪圖洗盡鉛華姿憑誰驛使殷勤意

遮莫江城寄一枝

家弟季重為予作壽言規予飲酒之過詞義激昂而魯仲之文援引獎借又似為余勸觴者二子立言之旨不同其出于愛我則一也因于坐次用文商珍韻走筆答魯仲因以解季重之嘲

楊枝論 邑人

野夫性嗜酒把杯便瀟灑醉來不知我安識天以下全真四十年非獨今始乍狎鷗殊見愛作詩大彈射謂飲類屠沽激我絕酬酢魯仲獨勸飲月落未肯罷更出佐觴詞援古亟獎借然則爾非與知我乃勸駕我今入醉鄉自覺形骸化止酒理則然幽憂誰陶寫論也惟是百拜佩服魯仲言狎鷗之云

瑞金縣志

卷三

國朝詩

五十六

欲從今未暇

送楊季重之嶺南

賴鯤升 會昌人

閉門欲造車足不踰長闌年來好意游鑿空多撰結曾讀羅浮記蜿蜒峙巖嶽虛空吹煙霞珍奇時飄瞥水晶百丈飛石樓天半列其下有神鉦叩之響嗚咽冲虛葛稚川丹竈仍未撤出沒不可測倘恍若可謁送君嶺南行歧予情空熱嶺南才所聚絡繹盈車轍旗鼓聽君張壁壘聽君設弔古朝漢臺振嘯海山關潮汐盪無垠島嶼望如洙浴日偉奇觀陸離生眼纈搖筆凌滄濤詩思長鯨掣歸棹溯羅浮好踏梅花月呼起趙師雄暢飲醉香雪君往不能從我心亂如髮

讀瑞金謝樹漢近科試藝詩

裘君宏新建人

吾鄉盛山水峯壑多奇峭章貢連長江怒濤捲沙島秀淑鍾
于文往往饒傑構和平叶官商瑰譎森巖竇人奇文更奇今
昔無羸瘦卽如制科來八股紛輪輳束髮攻帖括皓首理庸
調萬卷盡雷同千人皆襲勦臨汝四家出此藝稱聖手巨靈
擘荒墳媧皇補天漏譬彼洞庭橘霜落黃實剖異地得未曾
中坐兩仙叟又若燃嶠犀萬丈蛟宮照百怪羅我前毛孔大
于豆及其雄偉處鼉鳴而獅吼仙樂自浚空伸紙煙雲裊十
五所無三百年間少四子相頡頏于外復何有盤匱重西
江壇坫誰能偶卓哉鄉先型暢發山川秀秀氣百年聚後雋
瑞金縣志

卷十三

國朝詩

五十七

有謝某浣露讀瑤篇天半新月皎入之殊冥冥出之何了了
熟復十餘過香味牙根漱宿草如有靈前賢應畏後青蚨不
翼飛珠玉不脛走大文在宇宙至寶難比鬪彰身亦行遠欲
掩光彌透若將發大聲鯨鉤龍虎嘯諸子胥鹿鹿高文甯苟
苟凡山非不崇較彼匡廬眇彭蠡何渟泓巨浪吞天小余生
僻狂瞽僉可獨曰否折心吾子文咀嚼未去口歎息吾西江
山水人三陡

都門送別謝樹漢兼祝五一初度

帥 我奉新人

廿載才名已共知相逢燕市慰相思交多慷慨悲歌士胸貯
江河泰岱奇到處爭迎康樂屐還家高詠達夫詩漫云捧檄

嗟遲暮捉鼻欣然更不疑

陳石山懷古

謝溥 邑人

怪石萬狀勢龍嵒煙雲變滅謎虛空懸崖逼仄驚鳥道飛流
千丈聲淙淙荒谷陰森饒怪魅僧寮詰曲依石叢攀蘿徑上
絕頂望茫茫今古思無窮梁陳鼎革龍蛇鬪魚梁敗沒梅川
走扼吭拊背躡其蹤連營百日此屯守皚皚白骨埋荒邱天
陰鬼哭聲啾啾啾啾狐兔竄蒿萊百戰功名安在哉嗚呼百
戰功名安在哉不如且覆掌中杯

登真君閣

楊士章 邑人

攜取遊山屐來登江上樓危橋欄外聳孤塔霧中浮一一帆

瑞金縣志

卷十三 國朝詩

五十八

檣列村村煙火稠誰云塵市擾頓覺客情幽

真君閣

楊長縉 邑人

傑閣臨江渚棟宇何崇隆障川如砥柱礙日摩蒼穹虹橋鎖
南北白塔峙西東羣山高下列曉霧開濛濛汀樹參差見漁
舸葉葉風憑虛餐沆漑極目望飛鴻作賦慙王粲待月懷庾
公興來殊不淺放歌孰與同

隘嶺興隆庵

路從峯頂出盤曲入雲隈樹色黏天碧泉聲轉壑雷分疆纔
咫尺登閣靜喧歷渺渺憑欄望山城次第開

遊松竇

劉元著 邑人

石磴紆迴上清虛小洞天寺樓倚絕壁飛鳥下危巔冉冉開
雲岫幽幽響澗泉悠然忘世慮趺坐思逃禪

柬楊念中弟

陳存仁 邑人

晴溪息息芷蘭香委婉懷人墨數行入世先宜嚴出處論交
豈獨在文章綠蕉待雨開荒札黃鳥呼朋坐夕陽學劍十年
空爾爾中宵顧影重徬徨

賜青歌

提壺挈榼趨初晴十里鶯啼澹蕩春紈扇斜披知意在往來
恐有壻家人

燕子聲中日欲晡金蓮敲側倩誰扶回頭拾取鴛鴦帕笑隔

瑞金縣志

卷三

國朝詩

五十九

梨花喚小姑

殺虎行 有序

楊枝遠 邑人

余族有 者年十五其弟爲虎所擒遂奮身當虎竟
脫第尸以歸真異事也作殺虎行

上山拾薪下山採薇嗟我骨肉貧賤相依谿路晝晦野樹風
悲杳何冥冥我行則迷有虎有虎咆哮來前弟落虎口兄騎
虎肩兄騎虎肩臥執虎尾虎則張威兄則誓死死誰不懼義
有莫辭嗟我骨肉貧賤相倚虎却俱却虎前俱前曳之彌遠
執之愈堅載馳載驟漸及人村奮呼嚙虎虎驚而奔彼有兄
弟悠悠行路有酒同歌聞難各懼彼有兄弟自欲相食虎能

彼傷反爲虎德我歌常棣我淚則零雖有兄弟不如友生我
誦鷄鳴我情慨慷蟲嚙桃根李代其疆此人今見此義誰旌
我作此詩以補鵲鴿

節婦吟

同邑周 之妻 氏年十 夫死家貧無子守節不
嫁夜抱木主同寢今四十餘年無傳之者作節婦吟以
備考風者採焉

人家守寡財足依妾身無食常苦饑人家有兒情眷戀妾身
伶俜似孤燕風吹破壁秋蟲吟空牀月入寒氣深月光照淚
蟲語怨但見碧血沾孤衾沾孤衾抱木主枯木有情應共苦
瑞金縣志 卷三 國朝詩 六十

夢中身化墳前樹夜夜木葉啼秋雨

舊按以上二詩所詠關係倫常亟宜採入志乘惜俱忘
其姓氏無憑立傳用登此詩以俟知者

補天穿詞

瑞俗以正月二十日用餅餠祀天曰補天穿因作補天
穿詞

癡人無事憂天倒癡女多情怕天老天帝御極幾萬年鶴髮
未顏豈長好月懸桂樹日扶桑天風日夜吹古香採香玉女
投壺笑滿天坼裂開電光下土無知仰高覆愁見天穿和月
漏弄丸鍊石藉斤人玉碧珠圓新補就願移南山作餅餠堅

牢不用琉璃嵌天高地厚民永安千秋萬古蒙天眷

老鼠嫁女詞

瑞俗以正月二十夜為老鼠嫁女其言尤俚戲作此詞
以備吾鄉之風俗云

鼠女遣嫁鼠婦從兩旁熠燿懸燈籠草間蛙部交鼓吹蝸牛
載車行穴中穴處能懷鑽穴恥相鼠有皮兼有禮世人齷齪
真可憐無牙速訟應羞死我欲呼鼠前致詞家貧無米累渠
饑架頭破書兩三卷饑來嚼嚙空爾為東隣賣穀如賣玉一
石千錢猶未足願渠舉族嫁他家終朝坐食陳陳粟

田家詞

楊方立 邑人

瑞金縣志

卷三

國朝詩

六十一

鷄豚里社趁新晴繡壤遙傳擊壤聲至竟難忘堯舜力杏花
陰裏頌昇平

周宮在昔重民依董戒分明寄載師好聽倉庚勤襍禩風風
雨雨總相宜

爭誇櫛比與墉崇羔醴年年頌歲功為語輪軒頻問俗早將
樂府唱豳風

北橋晚望有感

楊方漁 邑人

煙靄昏林木倚欄望眼窮葉分投宿鳥浪起過江風一丈憑
孤詣三年負昔衷何時焚筆硯皮雀狎兒童

壬申冬調任建武賦別合郡紳士

贛州府知府 姚文湘 臨湘人

每幸公餘聆草元驪歌頓覺意茫然滅明節誼高今日趙抃
心期憶昔賢吐握有情千里外風雲無定萬峯前微能又向

雙姑 南城有麻姑
從姑兩山 理渺渺度江望眼懸

又別耆民

別向雙姑意渺然稔知父老更懸懸波流萬派深深好日照
千峯樹樹妍安分米菟遵

帝訓負暄熙皞樂堯天子乘五馬恩恩去總為斯民躑躅還

己未仲秋晤瑞金楊竟庭同年于豫章書院話舊賦呈

山陰知縣 鄭大德 如阜人

瑞金縣志 卷三 國朝詩 六十二

猶記蘭成射策年觚稜日下共磨研誰知湖海分帆後蹇遇
鯨鯢駭浪前白首相逢談白屋青衫依舊坐青氈書空賦恨
都無那合悟歸宗一味禪

用韻答楊竟庭同年 浙江道御史 吳文煥 長樂人

一為榜下別瞬息甘餘年再過趨庭地 豫章為先大
夫宦遊所經 重聯傾
蓋緣鬚眉各蒼老志行尚高堅似此萍踪合人生豈偶然

余與瑞金楊竟庭同年同齒徵逐獨密迄今三十年再

見各皆老大益復情親因延為省會院長朝夕過從
恰得吳鄭兩同年先後借來極一時之樂詩以識之

江西布政使 彭家屏 夏邑人

三十年來聚散身江城重見白頭新鴈題舊譜論兄弟馬帳

諸生識主賓官滿未忘初服意教行還及故鄉人吟來九日

尊前句日前示九日詩五首彭澤詩情寄葛巾

霓裳同詠大羅天二百人中盡盛年宦籍升沉餘幾輩舊遊

零落一泣然君九日詩中念同譜去世已多俯仰今昔不勝人琴之感春風贈綺從吳季

閩中吳觀侯同年來以新編年譜見示秋雨論交得鄭虔鄭衣聞同年適來署恍惚昔時

花下事曲江隊裏醉神仙

東南重寄主恩偏九載西江課誦絃盛世提封今牧伯師門

咫尺古臨川揭來楊子談經處坐看洪崖返照前獨對晚香

吟夜月講堂飛集有三鱸

瑞金縣志 卷十三 國朝詩

贈楊竟庭先生

和平知縣 李孝源臨川人

昔共南圖日今同北向年交親深世講情話重前緣履道時

方泰安貧志已堅人師非易得來學正懽然

同舍弟九臯伯敬登銅鉢山

楊于俶邑人

攀蘿同上最高峯遠近都歸一望中萬片芙蓉凝翠黛一天

秋色滉虛空樓臺半出白雲上島嶼疑連碧海東吟罷忽看

生羽翼飄然徑欲御長風

宛在園送燕

楊昌禧邑人

畫堂深處日飛飛社近誰教與願違故壘辛勤頻眷戀新雛

老大更因依滿天霧雨侵晨別萬里雲山何處歸為語兒童

休毀拆明年遲汝媚春暉

深隴看梅三首

楊方迪 邑人

孤蹤落落許誰偕緩步隴頭稱雅懷
麥秀千畦綠似染花開
十里淨如揩清肌凍徹寒猶好
玉片輕盈落亦佳剩欲與卿
相靜對不辭草露濕芒鞋

南枝幾度遠傳芳賺得遊踪到水鄉
要與冰霜爭皎潔肯同
桃李傍青陽短籬斜倚顏如玉
明月侵凌魄有香半日崎嶇
勞蹇步憑教人笑放翁狂

詩伴相攜坐石臺畱連鎮日興悠哉
鷺迷雪浪窺冰岸雀啅
瓊英落酒杯倚竹漫憐衫翠薄
臨風長怨笛聲哀夕陽一片
瑞金縣志 國朝詩
六十四
渾如畫竚立蒼茫不肯回

養病興隆庵感賦二首

楊子仕 邑人

借得僧房小移牀就近林風吹松子落
鳥下石潭深寂歷無
塵思清虛養道心不能忘結習時復動
微吟
獨立東風裏空江照病身容隨春事減
愁逐柳條新草軟鹿
將友泥乾燕有隣誰憐集蓼苦對景黯
愴神

翰閣夜坐賦得月明樓閣在虛空次楊季重韻

朱芾 邑人

月明樓閣在虛空坐久涼生面面風
江到洲前靡左右塔于
雲外屹西東鐘聲渡水來山寺桂影
過牆覆閣宮承夜聯吟

憑短檻置身疑在畫圖中

僧霽雲邀往綠草湖看荷花以雨阻不果

楊方樵 邑人

平湖十頃玻璃色亂葉田田映空碧明粧鏡裏白娉婷清香
一片迷行客方將幽夢會傾城點滴愁聽簷溜聲淹蹇非關
花薄命由來坎坷是書生秋聲蕭瑟紅顏老司花應爲花煩
惱霧鬢烟鬟豈久春遠山愁感雙蛾小

六峯訪蓮晃上人六絕句

略約沿溪入亂藤上方樓閣露層層石林屐響幽龙吠驚起
蒲團打睡僧

瑞金縣志

卷十三

國朝詩

六十五

樓觀門隨彈指開六時蓮漏共徘徊寂光土畔身雲湧笑指
他家變化來

香燈禪版倚巖阿抖擻詩魔更睡魔趺坐偶然拈半偈誤他
天女幻曼陀

驚人奇石滿山蒼疑是初平舊牧場莫怪倒頭呼石丈此間
只合住襄陽

炎天何處借清涼結夏深林蒼蘆香緡罷南華尋蝶夢乞君
雪被與冰牀

長命燈前供佛時茅龕老母日依依隣人競指陳尊宿鵲噪

僧房賣履歸

上人築室
供母故云

登銅鉢山次家二兄及甫韻

楊于淵 邑人

銅鉢岩嶢隱鷺峰招邀攜手入雲中
龍葱古木妨行日繚繞香煙帶遠空
一片平蕪迷遠近數行流水自西東
寒蟬不信秋光老猶曳殘聲噪晚風

陸公泉感賦

袁斌 邑人

東明觀下水粼粼漱玉碑殘幾度春
志載知縣某搜得殘碑有庭前山色依然綠檻外泉聲漱玉寒之句
當日題亭曾有客而今浚井可無人
志載知縣鄧衍建亭井上
岸頽石檻埋青蘚帆去江心散綠蘋
莫訝推遷人事易眼看碧海已揚塵

瑞金縣志

卷三

國朝詩

六十六

